



Broj: 02-05-11622-7/18
Sarajevo, 26.03.2018. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 – Ispravka), Vlada Kantona Sarajevo je na **116. sjednici održanoj 26.03.2018. godine**, donijela sljedeći

ZAKLJUČAK

1. Prima se na znanje Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec januar 2018. godine.
2. Informacija iz tačke 1. ovog Zaključka dostavlja se Skupštini Kantona Sarajevo, informativno.

PREMIJER

Elmedin Konaković

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo unutrašnjih poslova
5. Evidencija
6. A r h i v a



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
S A R A J E V O

I N F O R M A C I J A
O STANJU KRIMINALITETA, JAVNOG REDA I MIRA I SAOBRAĆAJA
NA PODRUČJU KANTONA SARAJEVO ZA MJESEC JANUAR 2018. GODINE

Sarajevo, februar 2018. godine

*Informacija o stanju kriminaliteta, javnog reda i mira i saobraćaja na području Kantona Sarajevo za mjesec **januar 2018. godine** sačinjena je na osnovu Izvještaja o radu i statističkih pregleda organizacionih jedinica Uprave policije MUP-a Kantona Sarajevo, te službenih izvještaja o počinjenim krivičnim djelima koji su dostavljeni nadležnim tužilaštvima.*

1.KRIMINALITET

1.1. OSNOVNI STATISTIČKI POKAZATELJI KRIMINALITETA

U mjesecu januaru 2018. godine, na području Kantona Sarajevo registrovano je 387 krivičnih djela¹ što je za 75 djela ili 24% više u odnosu na isti mjesec prethodne godine.

Od ukupnog broja registrovanih krivičnih djela, 181 ili 46,8% izvršeno je od strane poznatih, a 206 ili 53,2% od strane nepoznatih izvršilaca.

Za 72 djela ili 35% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega je 38 krivičnih djela iz izvještajnog, a 34 iz ranijeg perioda.

Iz naprijed navedenog proizilazi da su službenici Uprave policije MUP-a KS u izvještajnom mjesecu za ukupno 253 krivičnih djela ili 65,4%, identifikovali osumnjičene izvršioce, što je za 5,1% više u odnosu na isti mjesec prethodne godine.

OSNOVNI STATISTIČKI POKAZATELJI KRIMINALITETA U MJESECU JANUARU 2018/17. GODINE

mjesec	Broj KD			Broj djela za koja su naknadno identifikovani osumnjičeni izvršiooci		Broj prijavljenih lica			Lišeno slobode	
	Ukupno	od toga		Ukupno	od toga iz ranijeg perioda	Ukupno	od toga			
		po poznatom izvršiocu	po NN izvršiocu				maloljetnici	povratnici		
JANUAR 2018.	387	181	206	72	34	226	10	100	104	
JANUAR 2017.	312	115	197	73	40	164	3	107	72	
uporedba	+/-	75	66	9	-1	-6	62	7	-7	32
	%	24,0%	57,4%	4,6%	-1,4%	-15,0%	37,8%	233,3%	-6,5%	44,4%

Zbog postojanja osnova sumnje da su počinili krivična djela prijavljeno je 226 lica (62 više), od čega je 100 povratnika (sedam manje) u izvršenju krivičnih djela (ili 44,2%), deset maloljetnika (sedam više), a 104 lica su lišena slobode (32 više).


¹ U izvještajnom mjesecu Uprava policije MUP-a KS je nadležnim tužilaštvima prosljedila na odluku putem administrativnog djelovodnika ukupno 130 obavijesti (122 manje) o događajima u kojima je pričinjena neznatna materijalna šteta.

PREGLED KRIMINALITETA NA PODRUČJU KANTONA SARAJEVO U MJESECU JANUARU 2018/17. GODINE POSMATRANO PO GLAVAMA KZFBiH-a (SL. NOVINE FBiH-a BR. 36/03)

KRIVIČNA DJELA	JANUAR 2018.	JANUAR 2017.	uporedba br.KD		„rasvijetljenost“ JANUAR 2018.g.	
			+ / -	%	br. KD	%
Protiv života i tijela	15	5	10	200%	15	100%
Protiv slobode i prava čovjeka i građanina	17	21	-4	-19%	18	105,9% ²
Protiv spolne slobode i morala	2	0	2	---	2	100%
Protiv braka, porodice i mladeži	20	17	3	17,6%	20	100%
Protiv zdravlja ljudi	43	22	21	95,5%	43	100%
Protiv imovine	247	208	39	18,8%	117	47,4%
Protiv okoliša	1	2	-1	-50%	1	100%
Protiv opće sigurnosti ljudi i imovine	6	7	-1	-14,3%	2	33,3%
Protiv sigurnosti javnog prometa	10	10	0	isto	9	90%
Protiv pravosuđa	4	2	2	100%	4	100%
Protiv javnog reda i pravnog prometa	15	11	4	36,4%	15	100%
Protiv podmićivanja i kd protiv služb. i dr. odg.duž.	2	0	2	---	2	100%
ZONDINOIM-a (Sl.novine KS br.38/07)	5	7	-2	-28,6%	5	100%
UKUPNO	387	312	75	24%	253	65,4%

U mjesecu januaru 2018. godine u odnosu na isti mjesec prethodne, zabilježeno je povećanje broja registrovanih krivičnih djela za 75 djela ili 24%. Povećanje je zabilježeno u oblastima protiv imovine (za 39 djela), zdravlja ljudi (za 21), života i tijela (za deset), javnog reda i pravnog prometa (za četiri), itd, dok je smanjenje evidentirano u oblasti protiv slobode i prava čovjeka i građanina (za četiri), djela regulisanih ZONDINOIM-om (za dva), okoliša i opće sigurnosti ljudi i imovine (za po jedno djelo).

GRAFIČKI PRIKAZ BROJA REGISTROVANIH I RASVIJETLJENIH KRIVIČNIH DJELA PO POLICIJSKIM UPRAVAMA



² Pored rasvijetljavanja svih djela iz ove oblasti u mjesecu januaru 2018. godine rasvijetljeno je i jedno djelo iz člana 183. KZFBiH (ugrožavanje sigurnosti) prijavljeno u ranijem periodu

PREGLED REGISTROVANIH KRIVIČNIH DJELA NA PODRUČJU KANTONA SARAJEVO U MJESECU
JANUARU 2018. GODINE

ČLAN	KZ	Naziv člana UKUPNO	KD ³	NN	NI
			387	206	72
166/28	FBiH	UBISTVO U POKUŠAJU	1	0	0
172	FBiH	TEŠKA TJELESNA OZLJEDA	6	1	1
172/31	FBiH	TEŠKA TJELESNA OZLJEDA U SAUČINITELJSTVU	1	0	0
173	FBiH	LAHKA TJELESNA OZLJEDA	7	1	1
180	FBiH	OTMICA	1	1	1
183	FBiH	UGROŽAVANJE SIGURNOSTI	16	3	4
203	FBiH	SILOVANJE	2	0	0
220	FBiH	NAPUŠTANJE DJETETA	1	0	0
222	FBiH	NASILJE U PORODICI	19	0	0
238	FBiH	NEOVLAŠĆENA PROIZVODNJA I STAVLJANJE U PROMET OPOJNIH DROGA	4	0	0
239	FBiH	POSJEDOVANJE I OMOGUĆAVANJE UŽIVANJA OPOJNIH DROGA	39	0	0
286	FBiH	KRAĐA	41	30	11
286/28	FBiH	KRAĐA U POKUŠAJU	1	0	0
287	FBiH	TEŠKA KRAĐA st 1. tačka a)	115	111	38
287/B	FBiH	TEŠKA KRAĐA NA NAROČITO OPASAN ILI NAROČITO DRZAK NAČIN	7	6	2
287/28	FBiH	TEŠKA KRAĐA U POKUŠAJU	5	2	1
289	FBiH	RAZBOJNIŠTVO	42	37	11
289/28	FBiH	RAZBOJNIŠTVO U POKUŠAJU	1	0	0
290	FBiH	UTAJA	3	1	0
293	FBiH	OŠTEĆENJE TUĐE STVARI	18	6	0
294	FBiH	PRIJEVARA	11	0	0
295	FBiH	IZNUDA	1	1	1
300	FBiH	PRIKRIVANJE	1	0	0
301	FBiH	PALJEVINA	1	0	0
316	FBiH	ŠUMSKA KRAĐA	1	0	0
323	FBiH	IZAZIVANJE OPĆE OPASNOSTI	5	4	0
327	FBiH	NESAVJESNO ČUVANJE PASA I DRUGIH OPASNIH ŽIVOTINJA	1	0	0
336	FBiH	TEŠKA KRIVIČNA DJELA PROTIV SIGURNOSTI JAVNOG PROMETA	9	0	0
337	FBiH	NEUKAZIVANJE POMOĆI OSOBI OZLIJEDENOJ U PROMETNOJ NEZGODI	1	1	0
339	FBiH	PRIPREMANJE KRIVIČNOG DJELA	1	0	0
342	FBiH	ORGANIZIRANI KRIMINAL	1	0	0
346	FBiH	POMOĆ UČINITELJU POSLIJE UČINJENOG KRIVIČNOG DJELA	1	0	0
349	FBiH	SPREČAVANJE DOKAZIVANJA	1	0	0
359	FBiH	NAPAD NA SLUŽBENU OSOBU U VRŠENJU POSLOVA SIGURNOSTI	5	0	0
362	FBiH	NASILNIČKO PONAŠANJE	6	1	1
371	FBiH	NEDOZVOLJENO DRŽANJE ORUŽJA ILI EKSPLOZIVNIH MATERIJALA	1	0	0
373	FBiH	KRIVOTVORENJE ISPRAVE	2	0	0
375	FBiH	OVJERAVANJE NEISTINITOG SADRŽAJA	1	0	0
380	FBiH	PRIMANJE DARA I DRUGIH OBLIKA KORISTI	1	0	0
383	FBiH	ZLOUPOTREBA POLOŽAJA ILI OVLAŠĆENJA	1	0	0
Zakon o nabavljanju, držanju i nošenju oružja i municije (Sl. novine KS br. 38/07)			5	0	0

1.2. PREGLED KRIVIČNIH DJELA PO OBLASTIMA

1.2.1. KRIVIČNA DJELA PROTIV ŽIVOTA I TIJELA

³ KD – ukupan broj registrovanih krivičnih djela, NN - broj djela počinjenih od strane nepoznatih izvršilaca, NI - broj krivičnih djela za koja su naknadno identifikovani osumnjičeni izvršioci

Tokom mjeseca januara 2018. godine u ovoj oblasti evidentirano je 15 krivičnih djela (deset više u odnosu na januar 2017. godine) i to: ubistvo u pokušaju - jedno djelo (nije bilo ovih djela u uporednom mjesecu), teška tjelesna ozljeda – šest (pet više), lahka tjelesna ozljeda – sedam (tri više) i teška tjelesna ozljeda u saučiniteljstvu - jedno djelo (nije bilo ovih djela).

Sva djela iz ove oblasti su rasvijetljena, a zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv 17 lica, a sedam je lišeno slobode.

Dana, 22.01.2018. godine, oko 21,20 sati u ulici [REDAKTIRANO], općina Novi Grad [REDAKTIRANO] je nakon kraće verbalne prepirke ispred ugostiteljskog objekta, upotrebom noža nanio teške tjelesne ozljede opasne po život [REDAKTIRANO]. Zbog postojanja osnova sumnje da je počinio krivično djelo iz člana 166. u vezi sa članom 28. KZ FBiH-a (Ubistvo u pokušaju) imenovani je lišen slobode i uz službeni izvještaj predat nadležnom tužilaštvu.

1.2.2. KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 17 krivičnih djela (četiri manje) i to: ugrožavanje sigurnosti – 16 i otmica – jedno djelo, za čije izvršenje je prijavljeno 17 lica. Krivična djela ugrožavanja sigurnosti evidentirana su na području sljedećih općina: Novi Grad – šest, Novo Sarajevo i Ilidža - po četiri, Centar i Hadžići - po jedno djelo, a počinjena su uglavnom upućivanjem verbalnih prijetnji.

1.2.3. KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala evidentirana su dva djela (nije bilo ovih djela) - silovanje, za čije izvršenje su prijavljena dva lica.

1) Zbog postojanja osnova sumnje da je počinio krivično djelo iz člana 203. KZ FBiH-a (silovanje) nad mldb [REDAKTIRANO] lišen je slobode i uz službeni izvještaj predat nadležnom tužilaštvu [REDAKTIRANO].

2) Zbog postojanja osnova sumnje da je počinio krivično djelo iz člana 203. KZ FBiH-a (silovanje) nad mldb [REDAKTIRANO], nadležnom tužilaštvu podnesen je službeni izvještaj protiv mldb [REDAKTIRANO].

1.2.4. KRIVIČNA DJELA PROTIV BRAKA, PORODICE I MLADEŽI

U mjesecu januaru evidentirano je 20 djela iz oblasti protiv braka, porodice i mladeži (tri više) i to: nasilje u porodici - 19 i napuštanje djeteta - jedno djelo. Zbog postojanja osnova sumnje da su počinili ova djela prijavljeno je 20 lica, a 13 je lišeno slobode.

Krivična djela nasilje u porodici evidentirana su na području općina: Novi Grad - šest, Stari Grad - četiri, Vogošća - tri, Novo Sarajevo i Ilidža – po dva, Hadžići i Ilijaš – po jedno djelo.

1.2.5. KRIVIČNA DJELA PROTIV ZDRAVLJA LJUDI

Prijavljena su 43 krivična djela iz oblasti protiv zdravlja ljudi (21 više) i to:

- neovlašćena proizvodnja i stavljanje u promet opojnih droga (čl. 238. KZ FBiH) – četiri,
- posjedovanje i omogućavanje uživanja opojnih droga (čl. 239. KZ FBiH) – 39 djela.

Zbog postojanja osnova sumnje da su počinili navedena djela podneseni su službeni izvještaji protiv 41-nog lica, a 24 su lišena slobode.

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv [REDAKTIRANO], [REDAKTIRANO], [REDAKTIRANO] i [REDAKTIRANO] zbog postojanja osnova sumnje da su u proteklom periodu u više navrata kupovali opojnu drogu „Marihuanu“, „Amfetamin“, itd. od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 37 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga („Marihuana“, „Amfetamin“, „Heroin“, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU JANUARU 2018./17. GODINE

vrsta opojne droge	JANUAR 2018. godine	JANUAR 2017. godine
Marihuana (u gramima)	4.052	312
Marihuana (paketići)	12	16
Marihuana (JOINT - cigarete)	3	1
Heroin (paketići)	6	---
Kokain (paketići)	1	1
Amfetamin - (paketići)	3	13
Amfetamin - (u gramima)	27	---
Ecstasy (tablete)	2	1
LSD markice	---	1
pribor sa ostacima droge	5	1

1.2.6. KRIVIČNA DJELA PROTIV IMOVINE

U ovom mjesecu, registrovano je 247 krivičnih djela protiv imovine, što je za 39 djela više u odnosu na isti mjesec prošle godine. Među djelima iz ove oblasti najbrojnije su: teške krađe –115 djela (23 više), zatim krađe – 41 (11 više), razbojništvo – 42 (20 manje), oštećenje tuđe stvari – 18 (deset više), prijevara – 11 (šest više), teška krađa u pokušaju – pet (dva više), utaja - tri djela (dva više), itd.

Za ukupno 117 ovih djela ili 47,4% identifikovan je osumnjičeni izvršilac što je za 4,6% veća rasvijetljenost imovinskih delikata u odnosu na isti mjesec prethodne godine.

Prema objektu izvršenja teških krađa najbrojniji su: stambeni objekti - 52 (sedam više), motorna vozila (otuđenja pmv i “provale” u ista) - 39 (12 više), poslovni objekti - 19 (dva više), itd.

Na području Kantona Sarajevo u mjesecu januaru 2018. godine izvršeno je 26 krivičnih djela teških krađa motornih vozila od čega je pet ili 19,2% pronađeno i vraćeno vlasnicima (Uprava policije MUP-a KS - četiri vozila i vlasnici – jedno vozilo).

Broj teških krađa motornih vozila u odnosu na uporedni mjesec, povećan je za 11 djela.

PREGLED BROJA OTUĐENIH I VRAĆENIH PUTNIČKIH MOTORNIH VOZILA NA PODRUČJU KANTONA SARAJEVO PO POLICIJSKIM UPRAVAMA U MJESECU JANUARU 2018. GODINE

POLICIJSKA UPRAVA	I PU	II PU	III PU	IV PU	V PU	VI PU	VII PU	UKUPNO
broj otuđenih pmv	1	3	5	9	7	1	0	26
broj vraćenih pmv	0	2	1	0	1	1	0	5
% vraćenih pmv	0%	66,7%	20%	0%	14,3%	100%	---	19,2%

Zbog postojanja osnova sumnje da je učestvovao u otuđenju motornih vozila nadležnom tužilaštvu podnesen je službeni izvještaj protiv jednog lica, povratnika u činjenju krivičnih djela.

PREGLED BROJA OTUĐENIH MOTORNIH VOZILA NA PODRUČJU KANTONA SARAJEVO PO POLICIJSKIM UPRAVAMA U MJESECU JANUARU 2018/17. GODINE


POLICIJSKA UPRAVA	I PU	II PU	III PU	IV PU	V PU	VI PU	VII PU	UKUPNO	
BROJ OTUĐENIH VOZILA- JANUAR 2018. GODINE	1	3	5	9	7	1	0	26	
BROJ OTUĐENIH VOZILA- JANUAR 2017. GODINE	2	0	2	3	7	0	1	15	
UPOREDBA JANUAR 2018./17. GODINE	+, -	-1	3	3	6	0	1	-1	11
	%	-50%	---	150%	200%	0%	---	---	73,3%

Prijavljeno je 41-no krivično djela krađe (11 više), koja su izvršena 18 puta u poslovnim prostorijama, osam u stambenim objektima, sedam puta na ulici, četiri puta u vozilima i na stajalištima GRAS-a, itd. odakle su otuđivani novčanici, tehnička roba, bicikli, alumunijски rukohvati, itd.

Evidentirano je sedam krivičnih djela teških krađa na naročito opasan ili naročito drzak način (isti broj), u kojima su izvršioc, upotrebom fizičke snage – pet puta, te verbalnom prijetnjom u dva slučaja, otimali novac i mobitele. Ova djela izvršena su u prodavnicama - dva puta i na ulici - pet puta.

Rasvijetljena su tri djela (ili 42,9%), a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv tri lica, povratnika u činjenju krivičnih djela.

GRAFIČKI PRIKAZ BROJA REGISTROVANIH KRIVIČNIH DJELA IZ ČLANA 287.st (1) tačka b) KZFBiH (TEŠKA KRAĐA NA NAROČITO OPASAN ILI NAROČITO DRZAK NAČIN) PO POLICIJSKIM UPRAVAMA MUP-a KS




Registrovana su 42 krivična djela razbojništva (20 manje), od čega je 16 djela ili 38,1% rasvijetljeno (što je za 0,6% manje u odnosu na uporedni mjesec), a evidentirana su na području općina: Centar – 15 (tri više), Novo Sarajevo – devet djela (18 manje), Novi Grad – osam (jedan više), Ilidža – pet (tri manje) Stari Grad – pet djela (dva manje), itd.

Ova djela izvršena su prijetnjom upotrebe vatrenog oružja - 12 puta, prijetnjom upotrebe noža ili drugog oštrog predmeta – 25 i upotrebom fizičke snage – pet puta, a počinjena su u prodavnicama i drugim poslovnim prostorima – 24 puta, u sportskim kladionicama – sedam, na ulici osam i u apotekama - tri puta. Otuđivan je novac, mobiteli, cigarete, itd.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 15 lica, od kojih je sedam povratnika u činjenju krivičnih djela.

GRAFIČKI PRIKAZ BROJA REGISTROVANIH KRIVIČNIH DJELA IZ ČLANA 289. KZFBiH (RAZBOJNIŠTVO) PO POLICIJSKIM UPRAVAMA MUP-a KS



1.2.7. KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je šest djela (jedno manje) i to: izazivanje opće opasnosti – pet i nesavjesno čuvanje pasa i drugih opasnih životinja - jedno djelo. Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv dva lica, povratnika u činjenju krivičnih djela.


Krivična djela izazivanja opće opasnosti izvršena su tri puta na otvorenom prostoru i dva puta u stambenim objektima pri čemu je u jednom slučaju aktivirana nepoznata eksplozivna naprava i četiri puta je otvorenim plamenom izazvan požar. Posljedica izvršenja navedenih djela je uznemirenost građana i nastala materijalna šteta.

1.2.8. KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 15 krivičnih djela (četiri više u odnosu na uporedni mjesec) i to: nasilničko ponašanje – šest djela, napad na službenu osobu u vršenju poslova sigurnosti - pet, krivotvorenje isprave - dva, nedozvoljeno držanje oružja ili eksplozivnih materija i ovjeravanje neistinitog sadržaja – po jedno djelo.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 16 lica, od kojih je 10 povratnika ili 62,5%, a sedam je lišeno slobode.

GRAFIČKI PRIKAZ BROJA REGISTROVANIH KRIVIČNIH DJELA IZ ČLANA 362. KZFBiH (NASILNIČKO PONAŠANJE) PO POLICIJSKIM UPRAVAMA MUP-a KS



1.3. KRIVIČNA DJELA POČINJENA OD STRANE MALOLJETNIH IZVRŠILACA

U toku mjeseca januara 2018. godine, prijavljeno je 10 maloljetnih lica (sedam ili 233,3% više u odnosu na isti mjesec 2017. godine) zbog postojanja osnova sumnje da su izvršili sedam krivičnih djela (dva ili 40% više).

Među prijavljenim maloljetnim izvršiocima, sedam su u dobi od 14 do 16 godina, a tri su u dobi od 16 do 18 godina, dok su dva maloljetna lica povratnici u izvršenju krivičnih djela.

Pregled registrovanih krivičnih djela izvršenih od strane maloljetnika po policijskim upravama
januar 2018/17. godine

POLICIJSKA UPRAVA	MKS	I PU	II PU	III PU	IV PU	V PU	VI PU	VII PU	UKUPNO
januar 2018.	2	0	1	1	2	1	0	0	7
januar 2017.	0	1	0	4	0	0	0	0	5
uporedba	2	-1	1	-3 ili 75%	2	1	---	---	2 ili 40%

U ukupnom broju krivičnih djela koja su izvršili maloljetnici, dva ili 28,6% odnosi se na teške tjelesne ozljede, a po jedno djelo - lahka tjelesna ozljeda, silovanje, posjedovanje i omogućavanje uživanja opojnih droga, razbojništvo i utaja.

Struktura krivičnih djela izvršenih od strane maloljetnih lica u januaru 2018/2017. godine

KRIVIČNA DJELA	januar 2018.	januar 2017.	+ - %
Teška tjelesna ozljeda	2	0	2
Lahka tjelesna ozljeda	1	0	1
Silovanje	1	0	1
Posjedovanje i omogućavanje uživanja opojnih droga	1	0	1
Razbojništvo	1	4	-3 ili 75%
Teška krađa u pokušaju	0	1	-1
Utaja	1	0	1
UKUPNO	7	5	2 ili 40%

1.4. OSTALA PROTIVPRAVNA I ASOCIJALNA PONAŠANJA

1.4.1. AKTIVIRANJE MINSKO-EKSPLOZIVNIH SREDSTAVA

U toku mjeseca januara 2018. godine evidentirana su dva slučaja aktiviranja minsko-eksplozivnih sredstava (isto u januaru 2017. godine), usljed čega je nastupila materijalna šteta na fasadi kuće. Preduzimaju se aktivnosti na rasvjetljavanju ovih slučajeva i pronalaženju učinioca/laca.

Općina	Ulica i mjesto	Datum i vrijeme	Posljedica	Izvršilac
Stari Grad	Vratnik Mejdan, ispred objekta tavl klub	05.01.2018. oko 03,40	tzv. „molotovljev koktel“ bačen na asfalt nije bilo posljedica	N.N.
Stari Grad	Cvijetina bb, dvorište kuće u izgradnji	29.01.2018. oko 22,35	materijalna šteta na kući u izgradnji kao i na fasadi susjedne kuće	N.N.

Registrovana je jedna anonimna dojava o postavljenoj eksplozivnoj napravi (isto kao i u uporednom mjesecu), a odnosila se na prostorije Arhitektonskog fakulteta. Nakon KDZ pregleda utvrđeno je da je dojava bila lažna. Preduzimaju se aktivnosti na pronalaženju učinioca/laca.

1.4.2. POŽARI

Tokom mjeseca januara 2018. godine, na području Kantona Sarajevo registrovano je 18 požara (11 više), koji su za posljedicu imali materijalnu štetu.

Požari su registrovani na području općina: Novi Grad – šest, Centar, Novo Sarajevo i Ilidža – po tri, Stari Grad – dva i Hadžići – jedan požar.

Prema statističkim pokazateljima, pet požara je izazvano namjerno, osam zbog tehničkih nedostataka, dva nehatom, dok uzroci tri požara spadaju u kategoriju ostalih.

Zbog izazivanja požara nadležnom tužilaštvu je podneseno pet službenih izvještaja: četiri iz člana 323 KZ FBiH (izazivanje opće opasnosti) i jedan iz člana 301 KZ FBiH (paljevina).

1.4.3. SAMOUBISTVA

U mjesecu januaru 2018. godine na području Kantona Sarajevo registrovana su dva samoubistva (tri manje), izvršena vješanjem i skakanjem sa visine.

Samoubistva su izvršena na području općina Ilidža i Novi Grad. Izvršiocu su: žena starosti 58 i muškarac starosti 60 godina.

1.4.4. OSTALE AKTIVNOSTI

Tokom izještajnog mjeseca pripadnici policije su u sklopu operativnih aktivnosti izvršili pretres 111 lica, 23 stambena objekta, izvršili utvrđivanje identiteta za 130 lica i lišili slobode osam lica za kojima je bila raspisana potjernica. Takođe, pruženo je 40 asistencija i to na zahtjev državnih organa 10 i po zahtjevu organa i organizacija javnih ovlašćenja – 30 asistencija.

U cilju dokumentovanja krivičnih djela i identifikacije izvršilaca, izvršeno je 299 uviđaja, pronađeno i obrađeno 500 tragova, u 309 slučajeva fotografisano je lice mjesta, 23 puta skicirano, izvršeno 117 vještačenja i daktiloskopirano 61-no lice.

Koordinirajući radom organizacionih jedinica Operativni centar evidentirao je 307 događaja, osam angažovanja dežurnih službenika van radnog vremena, 60 pratnji "B" materija, 102 pratnje "VIP" ličnosti, itd.

U mjesecu januaru različite vidove obuke pohađalo je sedam policijskih službenika i to: permanentnu (internu obuku) – dva i specijalističke obuke (eksterne edukacije) - pet policijskih službenika.

U okviru depešnog saobraćaja, obrađeno je i razmjenjeno ukupno 9.364 depeša i to: predata je 2.961-na depeša, primljeno 4.967, zatim tranzitirano 1.369, dok je za područje RS-a i Granične policije, faksom predata 67 depeša.

Preduzimane su sve potrebne mjere i aktivnosti na obezbjeđenju neophodnih materijalno-tehničkih pretpostavki za uspješno obavljanje poslova i zadataka iz djelokruga rada Uprave policije MUP-a Kantona Sarajevo

U mjesecu januaru ove godine sačinjeno je 137 rješenja iz oblasti radnih odnosa i kadrovskih evidencija, 110 drugih vrsta akata, 29 uvjerenja, četiri odluke, tri ugovora o djelu i 182 rješenja o ocjeni državnih službenika i namještenika.

Za potrebe tužilaštva i drugih nadležnih organa izvršeno je 2.715 provjera iz službenih evidencija, na zahtjev građana izdata su 542 uvjerenja o njihovoj osuđivanosti ili neosuđivanosti, sačinjena četiri rješenja o brisanju osuda iz evidencija u nadležnosti Ministarstva, otvoreno 128 novih dosja i evidentirano 325 lica oštećenih činjenjem krivičnih djela. Takođe, kontinuirano su pripremane informacije, pregledi i analize za interno i eksterno informisanje.

2. JAVNI RED I MIR

U toku mjeseca januara 2018. godine, na području Kantona Sarajevo evidentirano je **227 prekršaja** u oblasti javnog reda i mira (26 ili 10,3% manje nego u istom mjesecu 2017. godine). Zbog učinjenih prekršaja protiv 245 lica su preduzete prekršajne sankcije. U odnosu na isti mjesec prethodne godine, broj učinilaca prekršaja je manji za 47 ili 16,1%. Od ukupnog broja registrovanih prekršaja, 214 ili 94,3% se odnosi na prekršaje iz Zakona o prekršajima protiv javnog reda i mira, a 13 ili 5,7% prema Odluci općinskih vijeća.

Prema starosnoj strukturi lica prema kojima su preduzete prekršajne sankcije, najbrojniji su oni preko 36 godina (155), zatim između 26 i 35 godina (45) i između 19 i 25 godina (41), dok je maloljetnih učinilaca bilo četiri. Među učiniocima evidentiran je 31 povratnik u činjenju prekršaja.

Prilikom narušavanja javnog reda i mira, u slučajevima koji su sankcionisani Zakonom o prekršajima protiv javnog reda i mira, nije bilo teže povrijeđenih lica (kao ni u uporednom mjesecu), dok su lakše povrijeđena četiri lica (18 ili 81,8% manje).

Tabelarni pregled broja prekršajnih naloga i zahtjeva za pokretanje prekršajnog postupka za mjesec januar 2018/2017. godine po policijskim upravama (i Jedinica za saobraćaj)

PERIOD	I PU	II PU	III PU	IV PU	V PU	VIPU	VIIPU	JZS	ukupno
januar 2018.	24	102	24	41	11	2	19	4	227
januar 2017.	54	69	56	27	20	9	11	7	253
+ - %	-30 ili 55,5%	33 ili 47,8%	-32 ili 57,1%	14 ili 51,8%	-9 ili 45%	-7 ili 77,8%	-8 ili 72,7%	-3 ili 42,8%	-26 ili 10,3%

Posmatrano po policijskim upravama, najveći broj prekršajnih sankcija preduzeli su policijski službenici Druge policijske uprave (102 ili 44,9% od ukupnog broja), a zatim Četvrte PU (41 ili 18,1%), Prve i Treće PU (po 24 ili 10,6%), Sedme PU (19 ili 8,4%), Pete PU (11 ili 4,8%), Šeste PU (2 ili 1%). Jedinica za saobraćaj MUP-a Kantona Sarajevo uručila je četiri prekršajna naloga.

Tabelarni pregled broja prekršajnih naloga i zahtjeva za pokretanje prekršajnog postupka za mjesec januar 2018/2017. godine po policijskim stanicama (i Jedinica za saobraćaj)

PERIOD	PS Stari Grad	PS Centar	PS Novo Sarajevo	PS Novi Grad	PS Ilidža	PS Hadžići	PS Vogošća	PS Ilijaš	PS Trnovo	JZS	ukupno
januar 2018.	24	102	24	41	11	2	14	5	0	4	227
januar 2017.	54	69	56	27	20	9	8	3	0	7	253
+ - %	-30 ili 55,5%	33 ili 47,8%	-32 ili 57,1%	14 ili 51,8%	-9 ili 45%	-7 ili 77,8%	6 ili 75%	2 ili 66,7%	---	-3 ili 42,8%	-26 ili 10,3%

Smanjenje broja prekršajnih sankcija, u odnosu na isti mjesec 2017. godine, imale su policijske stanice:

- Stari Grad (za 55,5%);
- Novo Sarajevo (za 57,1%);
- Ilidža (za 45%) i
- Hadžići (za 77,8%).

Povećanje broja prekršajnih sankcija imale su policijske stanice:

- Centar (za 47,8%);
- Novi Grad (za 51,8%);
- Vogošća (za 75%) i
- Ilijaš (za 66,7%).

Jedinica za saobraćaj imala je smanjenje broja prekršajnih sankcija za 42,8%, dok Policijska stanica Trnovo nije preduzimala prekršajne sankcije u oblasti javnog reda i mira (kao ni u istom mjesecu prošle godine).

Tabelarni pregled vrste prekršaja iz oblasti javnog reda i mira u toku mjeseca januara 2018/2017. godine

Prekršaji iz zakona o JRiM:	januar 2018.	januar 2017.	+ - %
-Tuče	25	35	-10 ili 28,6%
-Naročito drsko ponašanje	19	28	-9 ili 32,1%
-Odbijanje naređenja i omalovaž. pol. služb.	17	22	-5 ili 22,7%
-Prosjačenje	102	91	11 ili 12,1%
-Svađa, vika, nepristojno ponašanje	3	11	-8 ili 72,7%
-Paljenje petardi	8	0	8
-Uživanje opojne droge na javnom mjestu	1	0	1
-Ostali prekršaji iz Zakona o JRiM	39	40	-1 ili 2,5%
Prekršaji prema Odluci općinskog vijeća o JRiM	13	26	-13 ili 50%
ukupno	227	253	-26 ili 10,3%

Prema vrsti prekršaja, najbrojniji su prekršaji učinjeni **prosjačenjem** (102 ili 44,9% od ukupnog broja), zatim tučama (25 ili 11%), naročito drskim ponašanjem (19 ili 8,4%), te odbijanjem naređenja i omalovažavanjem policijskih službenika (17 ili 7,5%). Znatno manje prekršaja izvršeno je paljenjem petardi (osam), svađom, vikom i nepristojnim ponašanjem (tri), uživanjem opojne droge na javnom mjestu (jedan prekršaj), dok je ostalih prekršaja bilo 39, a 13 prekršaja odnosi se na prekršaje koji su regulisani Odlukom općinskih vijeća.

U odnosu na isti mjesec 2017. godine povećan je broj prekršaja učinjenih prosjačenjem, paljenjem petardi i uživanjem opojnih droga na javnom mjestu, dok je broj svih ostalih prekršaja smanjen.

Prekršaji izvršeni **prosjačenjem** najizraženiji su na području općina **Centar (73), Stari Grad i Novo Sarajevo (po 10), Novi Grad (osam)**.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (180 ili 79,3%), a znatno manje u trgovinskim i zanatskim radnjama (18 ili 7,9%), ugostiteljskim objektima (10), a na ostalim mjestima 16.

Tabelarni pregled broja prekršajnih sankcija u mjesecu januaru 2018/2017. godine, prema mjestu izvršenja

MJESTO IZVRŠENJA	JANUAR 2018.	JANUAR 2017.	+ - %
Ugostiteljski objekti	10	14	-4 ili 28,6%
Ulice i drugi otvoreni prostori	180	220	-40 ili 18,2%
Sportski stadioni i dvorane	0	0	---
Vozila javnog saobraćaja	0	0	---
Škole i školska dvorišta	3	1	2 ili 200%
Trgovine i zanatske radnje	18	1	17 ili 1700%
Ostala mjesta	16	17	-1 ili 5,9%
UKUPNO	227	253	-26 ili 10,3%

U poređenju sa januarom 2017. godine, broj prekršaja u školama i školskim dvorištima, kao i u trgovinama i zanatskim radnjama je povećan, a na sportskim terenima i u vozilima javnog saobraćaja nije bilo prekršaja kao i u januaru 2017. godine, dok je broj svih ostalih oblika prekršaja smanjen.

Na području Kantona Sarajevo u mjesecu januaru 2018. godine održano je 126 javnih skupova (28 ili 28,6% više u odnosu na januar 2017. godine). Policijski službenici su proveli planske aktivnosti javnih skupova, koji su protekli bezbjedno, a u 38 slučaja izvršeno je KDZ osiguranje.

Policijski službenici MUP-a Kantona Sarajevo su učestvovali u osiguranju Javnog dočeka Nove 2018. godine koji je održan ispred Sarajevo City Centra u ulici Vrbanja i u ulici Titova ispred Vječne vatre na osiguranju koncerta pop rock grupe „Crvena jabuka“. Tom prilikom nisu zabilježeni slučajevi narušavanja javnog reda i mira.

3. SAOBRAĆAJ

Tokom mjeseca januara 2018. godine, u odnosu na isti mjesec prošle godine, na području Kantona Sarajevo registrovano je povećanje ukupnog broja saobraćajnih nezgoda, nezgoda sa nastradalim licima i broja povrijeđenih lica, dok je smanjen broj nezgoda sa materijalnom štetom.

Registrovane su 804 saobraćajne nezgode (sedam ili 0,9 % više), 727 sa materijalnom štetom (18 ili 2,4 % manje) i 77 sa nastradalim licima (25 ili 48,1 % više).

U naselju su registrovane 733 saobraćajne nezgode (63 sa povrijeđenim licima i 670 sa materijalnom štetom), van naselja 71 nezgoda (14 sa povrijeđenim licima i 57 sa materijalnom štetom).

Evidentirana je 181 saobraćajna nezgoda na raskrsnicama u naselju, devet na raskrsnicama van naselja, dvije na pješačkom prelazu, dvije na mostu, jedna na nadvožnjaku i 609 saobraćajnih nezgoda čije se karakteristike ubrajaju u kategoriju ostalih.

Uporedni pokazatelji saobraćajnih nezgoda i posljedica na području Kantona Sarajevo za mjesec januar 2018./2017. godina

	jan. 2018.	jan. 2017.	+ ,-, %
UKUPNO SAOBRAĆAJNIH NEZGODA	804	797	+ 7 ili 0,9 %
Saobraćajne nezgode sa nastradalim licima	77	52	+ 25 ili 48,1 %
Saobraćajne nezgode sa materijalnom štetom	727	745	- 18 ili 2,4 %
POGINULO LICA	0	2	- 2
- vozači	0	1	- 1
- putnici	0	0	----
- pješaci	0	1	- 1
POVRIJEĐENO LICA	95	65	+ 30 ili 46,1 %
- vozači	46	25	+ 21 ili 84 %
- putnici	33	21	+ 12 ili 57,1 %
- pješaci	16	19	- 3 ili 15,8 %

Najveći broj saobraćajnih nezgoda evidentiran je na području općina: Novi Grad (233) i Novo Sarajevo (152). Najveće povećanje broja saobraćajnih nezgoda registrovano je na području općine Novo Sarajevo (za 52 ili 52 %), a smanjenje na području općine Ilidža (za 26 ili 17,4 %).

Tabelarni pregled broja saobraćajnih nezgoda po općinama
za mjesec januar 2018./2017. godina

mjesec	UKUPAN BROJ SAOBRAĆAJNIH NEZGODA PO OPĆINAMA									ukupno
	Stari Grad	Centar	Novo Sarajevo	Novi Grad	Ilidža	Hadžići	Trnovo	Vogošća	Ilijaš	
januar 2018.	66	150	152	233	123	17	2	38	23	804
januar 2017.	75	163	100	193	149	31	4	51	31	797
+, -, %	- 9 ili 12 %	- 13 ili 8 %	+ 52 ili 52 %	+ 40 ili 20,7 %	- 26 ili 17,4 %	-14 ili 45,2 %	- 2 ili 50 %	- 13 ili 25,5 %	- 8 ili 25,8 %	+ 7 ili 0,9 %

3.1. POSLJEDICE SAOBRAĆAJNIH NEZGODA

Tokom mjeseca januara 2018. godine, u saobraćajnim nezgodama na području Kantona Sarajevo 95 lica je povrijeđeno (30 ili 46,1 % više). Poginulih lica nije bilo (u istom mjesecu prošle godine dva lica su poginula).

Među povrijeđenim licima evidentirano je:

- 46 vozača (21 više)
- 33 putnika (12 više)
- 16 pješaka (tri manje)

Tabelarni pregled nastradalih lica u saobraćajnim nezgodama po kategoriji učesnika
za mjesec januar 2018./2017. godina

	POGINULI			TEŠKO POVRIJEĐENI			LAKŠE POVRIJEĐENI		
	jan. 2018.	jan. 2017.	+, -, %	jan. 2018.	jan. 2017.	+, -, %	jan. 2018.	jan. 2017.	+, -, %
VOZAČI	0	1	- 1	3	5	- 2 ili 40 %	43	20	+ 23 ili 115 %
PUTNICI	0	0	-----	2	0	+ 2	31	21	+ 10 ili 47,6 %
PJEŠACI	0	1	- 1	4	5	- 1 ili 20 %	12	14	- 2 ili 14,3 %
UKUPNO	0	2	- 2	9	10	- 1 ili 10 %	86	55	+ 31 ili 56,4 %

Kada je u pitanju stepen povreda, tri vozača su teže a 43 lakše povrijeđena, dva putnika su teže a 31 lakše povrijeđen, dok su četiri pješaka teže a 12 lakše povrijeđeno.

Najveći broj povrijeđenih lica registrovan je na području općina: Novi Grad – 30 (dva teže i 28 lakše), Centar – 17 (dva teže i 15 lakše), Vogošća – 13 (jedno teže i 12 lakše), itd.

Posljedice saobraćajnih nezgoda po policijskim upravama/stanicama za mjesec januar 2018./2017. godina

policijska uprava	policijska stanica	broj poginulih lica			broj teže povrijeđenih lica			broj lakše povrijeđenih lica		
		jan. 2018.	jan. 2017.	uporedba	jan. 2018.	jan. 2017.	uporedba	jan. 2018.	jan. 2017.	uporedba
I PU	Stari grad	0	0	-----	0	0	-----	5	1	+ 4 ili 400 %
II PU	Centar	0	0	-----	2	1	+ 1 ili 100 %	15	18	- 3 ili 16,7 %
III PU	Novo Sarajevo	0	0	-----	3	2	+ 1 ili 50 %	9	5	+ 4 ili 80 %
IV PU	Novi Grad	0	2	- 2	2	4	- 2 ili 50 %	28	15	+ 13 ili 86,7 %
V PU	Ilidža	0	0	-----	0	2	- 2	11	5	+ 6 ili 120 %
VI PU	Hadžići	0	0	-----	1	1	isto	4	7	- 3 ili 42,8 %
	Trnovo	0	0	-----	0	0	-----	0	0	-----
VII PU	Vogošća	0	0	-----	1	0	+ 1	12	0	+ 12
	Ilijaš	0	0	-----	0	0	-----	2	4	- 2 ili 50 %

UKUPNO	0	2	- 2	9	10	- 1 ili 10 %	86	55	+ 31 ili 56,4 %
--------	---	---	-----	---	----	--------------	----	----	--------------------

Starosna struktura lica povrijeđenih u saobraćajnim nezgodama je sljedeća: od 31 do 40 godina – 25 lica, od 25 do 30 godina – 14 lica, od 41 do 50 godina – 14 lica, od 21 do 24 godine – sedam lica, itd.

Prema kategoriji puta, najveći broj saobraćajnih nezgoda registrovan je na ulicama u naselju – 617 nezgoda u kojima je 71 lice povrijeđeno, zatim na magistralnim putevima – 81 nezgoda u kojoj je 18 lica povrijeđeno, na lokalnim putevima – 51 nezgoda (dva lica povrijeđena), na regionalnim putevima – 38 nezgoda (tri lica povrijeđena) i na putevima koji se ubrajaju u kategoriju ostalih – 17 saobraćajnih nezgoda (jedno lice povrijeđeno).

3.2. UZROCI SAOBRAĆAJNIH NEZGODA

Od ukupno 804 uzroka saobraćajnih nezgoda, 100 je zbog neprilagođene brzine (24 lica povrijeđena), pet zbog uticaja alkohola (tri lica povrijeđena), dok uzroci za 699 saobraćajnih nezgoda spadaju u kategoriju ostalih (68 lica povrijeđeno).

Evidentirane su četiri saobraćajne nezgode (jedna manje), u kojima su učestvovali pripadnici MUP- a (tri saobraćajne nezgode u kojima su učestvovali pripadnici MUP-a Kantona Sarajevo i jedna nezgoda u kojoj je učestvovao pripadnik FMUP-a). U navedenim saobraćajnim nezgodama nije bilo nastradalih lica. Takođe, evidentirana je jedna nezgoda u kojoj je učestvovao pripadnik Oružanih snaga BiH (bez nastradalih lica).

Evidentirano je 15 saobraćajnih nezgoda (tri manje) u kojima su učestvovali inostrani vozači i jedna nezgoda u kojoj je učestvovao pripadnik diplomatskog kora (bez nastradalih lica).

3.3. AKTIVNOSTI POLICIJE IZ OBLASTI SIGURNOSTI SAOBRAĆAJA

Tabelarni pregled aktivnosti policije po policijskim upravama za mjesec januar 2018./2017. godina

	januar 2018./2017	ukupno	I PU	II PU	III PU	IV PU	V PU	VI	VII	Jed.za saob.
broj kontrolisanih vozila	2018 2017	19.442 20.274	2.198 2.650	2.217 2.527	1.301 1.998	3.856 2.525	1.825 1.956	826 1.024	2156 1.939	5.063 5.655
broj uručenih prekršajnih naloga	2018 2017	14.578 14.249	1.726 2.234	2.094 2.127	1.151 1.882	1.504 883	1.089 0	495 415	919 465	5.600 6.243
broj zahtjeva za p.p.p.	2018 2017	41 52	0 0	7 0	0 0	0 24	12 9	1 0	4 11	17 8
broj isključenih vozila iz saobraćaja zbog tehničke neispravnosti	2018 2017	42 44	0 0	2 0	1 1	7 0	0 0	0 0	0 0	32 43
broj vozača zatečenih da upravljaju vozilom pod dejstvom alkohola	2018 2017	246 222	31 22	77 60	32 23	26 15	26 15	6 14	22 18	26 55
broj vozača zatečenih da upravljaju vozilom bez korištenja sig. pojasa	2018 2017	251 393	11 24	24 50	32 163	48 53	17 9	12 28	20 66	87 0
broj vozača zatečenih da upravljaju vozilom bez položenog vozačkog ispita	2018 2017	67 47	7 13	2 4	3 8	9 3	9 3	8 2	9 4	20 10
broj vozača zatečenih da upravljaju vozilom pod izrečenom zaštitnom mj.	2018 2017	54 0	0 0	7 0	3 0	9 0	0 0	3 0	6 0	26 0
broj vozila otkrivenih da učestvuju u saobraćaju bez važeće registracije	2018 2017	245 88	3 4	10 7	3 4	18 8	14 10	6 4	12 9	179 42

Tokom mjeseca januara 2018. godine, kontrolisano je ukupno 19.442 vozila (832 manje), 8.898 lica u vozilima (4.886 više), izvršen je pregled 157 vozila (72 manje) i 185 lica u vozilima (44 manje).

Zbog tehničke neispravnosti iz saobraćaja su isključena 42 vozila (dva manje), 246 vozača je zatečeno da upravljaju vozilom pod dejstvom alkohola (24 više), 251 bez korištenja sigurnosnog pojasa (142 manje), 67 bez položenog vozačkog ispita (20 više), 54 pod izrečenom zaštitnom mjerom (u januaru prošle godine nije bilo), a 245 vozila je učestvovalo u saobraćaju bez važeće registracije (157 više).

Zbog kršenja propisa iz oblasti sigurnosti saobraćaja uručeno je 14.578 prekršajnih naloga vozačima (329 više u odnosu na januar prošle godine) i podnesen 41 zahtjev za pokretanje prekršajnog postupka (11 manje). Evidentirano je 10 krivičnih djela zbog ugrožavanja sigurnosti javnog prometa (isti broj).

3.4. MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca januara 2018. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručeno je 6.707 prekršajnih naloga (101 više), upozoreno je 479 vozača (67 više), a specijalnim vozilom "pauk" premješteno je 412 vozila (249 više).

Zbog nedozvoljenog parkiranja, najveći broj prekršajnih naloga uručen je na području općine Centar –2.094, zatim: Starog Grada- 1.495, Novog Grada – 650, Novog Sarajeva – 648, Ilidže – 315, Trnova – 158, Hadžića – 132, Vogošće –130, Ilijaša – 60.

Službenici Jedinice za saobraćaj uručili su 1.025 prekršajnih naloga vozačima.

Najveći broj nepropisno parkiranih vozila „paukom“ je premješten iz sljedećih ulica: Franjevačka – 29, Grbavička – 28, Josipa Štadlera – 19, Kolodvorska – 12, O. I. Ishakovića – 11, S. B. Bašagića – 11, Dalmatinaska -10, itd.

Takođe, pješacima koji su kršili propise uručena su 172 prekršajna naloga (95 manje), a upozoreno je 113 pješaka (130 manje).

4. ZAKONITOST U RADU

Tokom mjeseca januara 2018. godine, registrovano je pet napada na policijske službenike (u istom mjesecu prošle godine nije bilo registrovanih napada). Napadi su evidentirani na području sljedećih PU: Četvrta PU – dva, Druga, Peta i Sedma PU – po jedan napad. U napadima je učesvovalo šest punoljetnih lica koja su lišena slobode.

Policijski službenici su u šest slučajeva upotrijebili silu (četiri više):

- fizičku snagu i sredstva za vezivanje – četiri puta
Četvrta PU – dva puta
Treća PU – jednom
Peta PU – jednom
- fizičku snagu – dva puta
Prva PU -jednom
Sedma PU- jednom

Četiri upotrebe sredstava prinude su opravdane, dok je postupak opravdanosti dvije upotrebe sile (upotreba fizičke snage i sredstava za vezivanje u Novom Sarajevu i na Ilidži) u toku.

Tokom mjeseca januara 2018. godine, razmatrano je 20 predstavki na rad službenika policije, među kojima je za šest predstavki (isto) data saglasnost da se sprovede unutrašnja istraga. Za pet predstavki je donesena odluka da se izvrše provjere i prikupi dokumentacija, za pet da nema

osnova za provođenje unutrašnjih istaraga, za dvije da se upute u nadležnost ministru, za jednu o nenadležnosti, dok je za jednu predstavku odlučeno da se pripoji ranijem spisu.

Postupano je po 35 predstavlki iz ranijeg perioda.

Okončano je 11 unutrašnjih istraga, među kojima su dvije osnovane, dvije neosnovane, u tri slučaja nije bilo dovoljno dokaza, u tri slučaja postupak je obustavljen, dok je u jednom slučaju istraga okončana ocjenom oslobađajuća.

Registrovane su tri žalbe koje se odnose na postojanje osnova sumnje da je počinjeno krivično djelo navedeno u Strategiji borbe protiv korupcije.

5. AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U izvještajnom mjesecu evidentirano je pet djela (dva manje) regulisanih Zakonom o nabavljanju, držanju i nošenju oružja i municije (Sl.novine Kantona Sarajevo br.38/07) počinjenih od strane pet lica.

U sklopu aktivnosti na oduzimanju nelegalno posjedovanog oružja i drugih predmeta oduzeto je: 17 pištolja, 127 petardi, 13 komada „noževa, mačeva, sablji, bajoneta i sl.“ 194 komada municije raznog kalibra, jedna eksplozivna naprava, itd.

Fizičkim licima izdato je 68 odobrenja za nabavku vatrenog oružja (18 manje) i 60 oružnih listova (50 manje).

6. RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali brojne aktivnosti u cilju uspostavljanja što bolje saradnje sa građanima, mjesnim zajednicama, školama, predstavnicima vjerskih zajednica, raznim udruženjima građana, nevladinim organizacijama, itd.

Obavljajući svoje redovne aktivnosti službenici policije su vršili obilaske mjesnih zajednica, obrazovnih institucija, dječijih vrtića, zatim ostvarivali kontakte sa socijalnim radnicima, građanima, vjerskim službenicima u cilju preduzimanja zajedničkih aktivnosti na osiguranju vjerskih objekata, kao i sa organizatorima sportskih, kulturnih i drugih manifestacija.

Između ostalog, preduzimane su sljedeće aktivnosti:

- Policijski službenici PS Stari Grad su intenzivno saradivali sa Turističkom zajednicom općine Stari Grad, u vezi lične bezbjednosti turista kao i ostalih građana na području općine Stari Grad sa akcentom na užu jezgru Bašćaršije,

- Dana, 30.01.2018. godine u hotelu "Hills" opština Ilidža, nakon uspješno realizovane edukacije u svim osnovnim školama na području općine Novi Grad, održan je radno-konultativni sastanaki sastanak predstavnika VSTV-a BiH, Uprave policije MUP-a KS i predstavnjika FMUP-a, Ministarstva za obrazovanje, nauku i mlade Kantona Sarajevo i predstavnika OŠ "Osman Nuri Hadžić", gdje je izvršena analiza, te prezentacija rada policijskih službenika "policajaca u zajednici" Uprave policije MUP-a KS u proteklom vremenskom periodu, te prezentiran plan rada za nastavak realizacije projekta "Jačanja tužilačkih kapaciteta u sistemu krivičnog pravosuđa u BiH";

- U vezi projekta "Policija moj prijatelj" nastavljene su planirane aktivnosti pri čemu su uredništvu časopisa "Vesela sveska" dostavljene dvije teme i to "Štetnost i inkrimisanost zloupotreba opojnih droga, alkohola, duhana, konzumacija nargile" i "Opasnost ima više lica";

- Nastavljene su aktivnosti na realizaciji projekta ICITAP-a "Uklanjanje grafita" na način da je izvršen kompletan obilazak terena te izdiferencirana mjesta sa ispisanim grafitima, određene mikrolokacije sa posebnim osvrtom na diplomatsko-konzularna predstavništva, ambasade, organe uprave, institucije, te ulice sa većom frekvencijom građana i turista,

- Policajci u zajednici, PS Hadžići su u saradnji sa veterinarskom inspekcijom bili uključeni u preventivnom suzbijanju i zaštiti djece kao i ostalih građana, od napada pasa lotalica.